



ROVVILTNEMNDEN I REGION 1

Vest-Agder, Rogaland, Hordaland og Sogn og Fjordane

Rovviltnemnda region 1
Adresseliste

Dykkar ref:	Vår ref.: 2017/4123	Arkivnr.: 433.52	Dato: 20.12.2017
-------------	------------------------	---------------------	---------------------

Jakt på gaupe i region 1 i 2018. Vedtak om eventuell kvotefri jakt.

Saksframlegg fra sekretariatet

Sak 10/17: Jakt på gaupe i regionen i 2018. Vedtak om eventuell kvotefri jakt.

Politiske føringar og lovverk

Desse dokumenta er lagt til grunn for saksframlegget:

- St.meld.nr. 15 (2003-2004) Rovvilt i norsk natur
- Innst.S.nr 174 (2003-2004)
- Lov av 19.06.2009 nr 100. Lov om forvaltning av naturens mangfold
- Forskrift av 19.03.2005 Om forvaltning av rovvilt
- Forvaltningsplan for rovvilt i Region 1, revidert i 2014
- Data frå overvåkingsprogram for rovvilt
- Rovviltforliket i Stortinget, Dokument 8:163 S(2010-2011) av 16.06.2011

Saksopplysningar

Faggrunnlaget er noko usikkert sidan familiegrupper av gaupe blir registrert/talt opp i perioden 1. oktober til 28 (29) februar. Registreringane er avhengig av gode sportilhøve og for region 1 er det sjeldan stabile tilhøve før nyår. Bestandstala for heile landet kan difor endre seg frå i dag og til gaupejakta startar 1. februar 2018.

Tal frå Rovdata viser at gaupebestanden har auka litt i høve sist år. For 2016 var tal familiegrupper før jakt rekna til 52. I tal tyder dette om lag 310 individ. For 2017 er talet på familiegrupper 55,5 tilsvarande cirka 330 dyr. Det nasjonale målet er på 65 familiegrupper. Rovdata reknar med at det vil vere om lag 58 familiegrupper i heile landet før jakta i 2018. I region 1 vart det felt to hanngauper i Vest-Agder i 2016. Ingen gauper vart felt i regionen i 2017.

Postadresse:
Rovviltnemnda i region 1
c/o Fylkesmannen i Sogn og Fjordane
Njøsavegen 2
6863 Leikanger

Leiar for rovviltnemnda:
Aleksander Øren Heen
Naddvik, 6885 Årdalstangen
Telefon: 91134842

aleksander.heen@sfj.no
<http://www.fylkesmannen.no/sfj>

Sakshandsamar:
Hermund Mjelstad
Telefon 57643124

fmsfhm@fylkesmannen.no

På Rødlista over trua arter er gaupe plassert i kategorien sterkt trua. Hovudgrunnen var (i 2014) tilbakegang i Sverige som betyr mindre innvandring til Noreg. Etter denne tid har bestanden i Sverige auka og er no på 221,5 familiegrupper sist vinter (ca 1300 gauper). For 2017 er bestanden igjen noko redusert i Sverige. På sikt er det naturleg at bestanden i Noreg vil auke igjen grunna ny innvandring.

I region 1 er det ikkje nasjonale mål om yngling, og nemnda vil difor alltid ha mynde til å vedta gaupejakt. Etter rovviltforskriften skal gaupejakta vere kvoteavgrensa, men det kan gjerast unntak ved å fastsette kvotefri jakt i visse høve, jf, forvaltingsplanen. Rovviltnemnda har i fleire år vedteke kvotefri jakt på gaupe i heile regionen. Jakttida er i februar og mars.

Vurdering

Sjølv om det ikkje er registrert familiegrupper i region 1, finst gaupe spreidd innafør regionen og skadepotensialet er stort i regionen. I Rovbasen er det for 2017 registrert ein usikker observasjon i Vest-Agder og ein i Sogn og Fjordane. I Hordaland (Voss og Granvin) er det dokumentert 20 sikre observasjonar i mars og april (truleg same individ). Sekretariatet vil rå til å halde fram med kvotefri jakt i heile regionen. Bestanden er liten, og det er i hovudsak streifande hanndyr som blir felt. Uttaket vil uansett vere lågt og vil ha minimal innverknad på utviklinga i den nasjonale gaupebestanden.

Framlegg til vedtak

1. Rovviltnemnda opner for kvotefri jakt på gaupe i heile Region 1 i 2018. Jakttid er 1. februar til 31. mars. For utøving av jakta gjeld reglane i viltlova med tilhøyrande forskrifter.

2. Felling eller forsøk på felling skal så snart som råd meldast til Fylkesmannen. Felte dyr skal dessutan framsynast til Statens naturoppsyn for prøvetaking m.v. med opplysning om kjønn, alder, tidspunkt for felling og fellingsstad.

3. Fangst av gaupe skal utøvast etisk forsvarleg og i samsvar med reglane for bruk av fangstredskap. Bruk av fangstredskap krev godkjenning frå Fylkesmannen.

4. Rovviltnemnda kan til ein kvar tid gjere om vedtaket dersom ny informasjon ligg føre.

Rovviltnemnda hadde saka føre i telefonmøte 20.12.2017. Frå nemnda deltok Aleksander Øren Heen, Gunvor Birkeland og Helen Hjertaas.

Vedtak (samrøystes)

1. Rovviltnemnda opner for kvotefri jakt på gaupe i heile Region 1 i 2018. Jakttid er 1. februar til 31. mars. For utøving av jakta gjeld reglane i viltlova med tilhøyrande forskrifter.
2. Felling eller forsøk på felling skal så snart som råd meldast til Fylkesmannen. Felte dyr skal dessutan framsynast til Statens naturoppsyn for prøvetaking m.v. med opplysning om kjønn, alder, tidspunkt for felling og fellingsstad.
3. Fangst av gaupe skal utøvast etisk forsvarleg og i samsvar med reglane for bruk av fangstredskap. Bruk av fangstredskap krev godkjenning frå Fylkesmannen.
4. Rovviltnemnda kan til ein kvar tid gjere om vedtaket dersom ny informasjon ligg føre.

Nemnda sitt vedtak kan påklagast innan 3 veker frå vedtaket er motteke. Klaga skal handsamast av Klima- og miljødepartementet, men sendast til rovviltnemnda.

Med helsing

Aleksander Heen

Leiar

Rovviltnemnda for region 1

91134842

Brevet er godkjent elektronisk og har derfor ikkje underskrift



ROVVILTNEMNDA I REGION 1
Vest-Agder, Rogaland, Hordaland og Sogn og Fjordane

Adresseliste, pr. e-post:

Naturvernforbunda i fylka i Region 1
Foreningen våre rovdyr: fvr@fvr.no
WWF Norge: wwff@wwf.no
Norges Miljøvernforbund: nmff@nmff.no
Statens Naturoppsyn Hordaland og Sogn og Fjordane
Statens Naturoppsyn Rogaland og Vest-Agder
Fylkesmennene i Region 1
Klima- og miljødepartementet
Miljødirektoratet
Mattilsynet region sør og vest
Sogn og Fjordane Bondelag
Sogn og Fjordane sau- og geit
Vest-Agder sau- og geit
Agder Bondelag
Rogaland sau- og geit
Rogaland Bondelag
Hordaland sau- og geit
Hordland Bondelag